

**ՀՀ ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱ  
ԱՐԵՎԵԼԱԳԻՏՈՒԹՅԱՆ ԻՆՍԻՏՈՒՏ**

**ՄԵՐՋԱՎՈՐ  
ԱՐԵՎԵԼՔ**



**ՊԱՏՄՈՒԹՅՈՒՆ  
ՔԱՂԱՔԱԿԱՆՈՒԹՅՈՒՆ  
ՄՇԱԿՈՒՅԹ**

**ՀՈԴՎԱԾՆԵՐԻ ԺՈՂՈՎԱԾՈՒ**

**ՀՀ ԳԻՏՈՒԹՅՈՒՆՆԵՐԻ ԱԶԳԱՅԻՆ  
ԱԿԱԴԵՄԻԱ  
ԱՐԵՎԵԼԱԳԻՏՈՒԹՅԱՆ ԻՆՍԻՏՈՒՏ**

**ՄԵՐՋԱՎՈՐ ԱՐԵՎԵԼՔ**

**VII**

**ՊԱՏՄՈՒԹՅՈՒՆ  
ՔԱՂԱՔԱԿԱՆՈՒԹՅՈՒՆ  
ՄՇԱԿՈՒՅԹ**

**ԵՐԵՎԱՆ – 2011**

NATIONAL ACADEMY OF SCIENCES  
REPUBLIC OF ARMENIA  
INSTITUTE OF ORIENTAL STUDIES

# NEAR EAST

## VII

*HISTORY  
POLITICS  
CULTURE*

YEREVAN – 2011

**The book is recommended for publications by the Scientific Council of  
the Institute of Oriental Studies, National Academy of Sciences,  
Republic of Armenia**

### EDITORIAL BOARD

**S. Grigoryan (Chairwoman), A. Hovhannisyan,  
R. Ghazaryan, G. Iskandaryan,  
A. Harutjunyan, A. Pashayan**

Computer Design: N. Karakhanyan

The book includes articles presented at the 31<sup>st</sup> Conference  
of Young Orientalists (Yerevan, 28-30 July, 2010)

## ԽՈՐԻԿՅԱՆ ՀՈՎՀԱՆՆԵՍ (ԱԲ)

### ԱԶԵՄԵՆՅԱՆ ՊԱՐՍԿԱՍՏԱՆԻ ԽԻՆ ՍԱՏՐԱՊՈՒԹՅԱՆ ԷԹՆԻԿԱԿԱՆ ԿԱԶՄԻ ՇՈՒՐՋ

Պատմահայր Հերոդոտոսը գրում է. «Սագարտիները, սարանգները, քամանները, ուսիները, մյուկերը և Կարմիր ծովում գտնվող կղզիների բնակիչները, որտեղ արքան բնակեցնում է, այսպես կոչված, տեղահանվածներին, այս բոլորը վճարում էին վեց հարյուր տաղանդ հարկ. սա տասնչորսերորդ նահանգն էր»<sup>1</sup>: Պատմահայրը տարբեր առիթներով մի քանի անգամ ևս անդրադառնում է նշված ցեղերին, որոնցից նախ կըննենք առաջինն հիշատակված սագարտիներին, հետո մյուս ցեղերին ու ժողովուրդներին վերաբերող տեղեկությունները:

**Սագարտիներ:** Հերոդոտոսը սագարտիներին հիշատակում է նաև հետևյալ տեղեկություններում: Ըստ պատմիչի՝ սագարտիները պարսկական վաչկատուն ցեղերից էին (I, 125): Սագարտիները հիշատակվում են նաև Քսերքսեսի Հելլադա արշավող քանակի կազմում. «Կային նաև ինչ-որ վաչկատուն մարդիկ, որոնք կոչվում են սագարտիներ: Նրանց ազգությունը և լեզուն պարսկական է, քայլ հանդերձանքը պարսկականի և պակտյուականի միջև մի քան է: Նրանք հանում էին ութ հազար հեծյալ: Նրանք, սովորաբար, չունեն ո՞չ պղնձե, ո՞չ երկարե զենքեր, քացի դաշույններից, և օգտագործում են կաշվե երիզներից հյուսած օղապարաններ, որոնց էլ ապավիճած, նրանք գնում են պատերազմի... Նրանք կանգնած էին պարսկների կողքին» (VII, 85-86): Վերջին տեղեկության մեջ մեկ անգամ ևս Հերոդոտոսը նշում է սագարտիների պարսկական ծագումը, իսկ նրանց հանդերձանքի որոշ նմանությունը պակտյուականին սագարտիներին կապում է Աքեմենյան տերության արևելյան շրջանների հետ: Պակտյուիկեն գտնվել է Ինդոս գետի վերին հոսանքից հյուսիս-արևմուտք ընկած շրջանում և, թերևս, համապատասխանում է ներկայիս Աֆղանստանի Փակտիա, Փակտիկա նահանգներին և մտել է VII սատրապության կազմի մեջ<sup>2</sup>: Ըստ մասնագիտական գրականության մեջ եղած կարծիքի՝ սագարտիները բնակվել են, հավանաբար, Իրանական բարձրավանդակի կենտրոնական լեռնային և անապատային շրջաններում: Գոյություն է ունեցել նաև սագարտիների արևմտյան մարական խումքը<sup>3</sup>: Սրանց գոյության մասին, քացի հիմ պարսկական աղբյուրից, վկայում է նաև Պտղոմեոսի տեղեկությունը (VI, 2, 5-6), ըստ որի՝ սագարտիները գտնվել են Մարդաստանում, Զագրոսի լեռներում<sup>4</sup>: Ստեփանոս Բյուզանդացու աղբյուր Սագարտիան համարում է թերակղզի Կասպից ծովում, որտեղ ապ-

լում էր սագարտիներ ժողովուրդը<sup>5</sup>: Այս տեղեկության մեջ անհայտ է, թե հեղինակը որ թերակղզին նկատի ունի, սակայն այս սագարտիներին նույնպես կարելի է կապել արևմտյան խմբի հետ: Ի. Խլոպինը կարծում է, որ սագարտիները սխալմամբ են ընդգրկվել XIV սատրապության մեջ վրկանների փոխարեն, ինչն անընդունելի է<sup>6</sup>: Սագարտիան Մարական կայսրության արևելյան մասն էր<sup>7</sup>: Մասնագիտական գրականության մեջ, համաձայն գոյություն ունեցող տեսակետի, սագարտիները նույնանում են աստրական աղբյուրների Զիկերտուին, ընդ որում, և սագարտիները, և զիկերտացիները հեծյալներ էին<sup>8</sup>: Ռ. Մելիքովը, հետևելով Է. Գրանտովսկուն, ընդհանրապես բացառում է արևելյան սագարտիների գոյությունը<sup>9</sup>: Սակայն Հերոդոտոսի տեղեկությունները սագարտիների մասին վկայում են վերջիններին արևելյան խմբի գոյությունը, ընդ որում արևելյան խմբի գոյությունը հնարավոր էր ինչպես սագարտիների վաշկատուն լինելու հանգամանքով, այնպես էլ Աքեմենյան արքունիքի առանձին ցեղերի վերաբնակեցման քաղաքականությամբ (հմտ., օրինակ, XIV սատրապության մեջ հիշատակվող տեղահանվածներին):

**Սարանգներ:** Առանձին ջոկատով հիշատակվում են նաև Քսերքսեսի բանակի կազմում (VII, 67): Մեկ այլ տեղեկության մեջ էլ նրանց մասին Հերոդոտոսը գրում է. «Ասիայում կա մի դաշտավայր, բոլոր կողմերից լեռներով շրջապատված, իսկ այդ լեռներով անցնում են հինգ նեղ կիրճեր: Այս դաշտավայրը հնում պատկանել է քորասմներին և գտնվում է նոյն քորասմների, հյուրկանների, պարթևների, սարանգների և թամանների սահմաններում: Պարսից իշխանության հաստատումից հետո այն արդեն պատկանում է (պարսից) արքային» (III, 117): Այս տեղեկությունն անորոշ է<sup>10</sup>, քանի որ դաշտավայրը չէր կարող գտնվել նշված ցեղերի բնակության սահմաններում, որոնց աշխարհագրությունը բացառում է որևէ նոյնացում, և մեզ համար միայն կարևոր է սարանգների և թամանների համատեղ հիշատակվելը: Սարանգները բնակվել են ներկայիս Սիսթանի տարածքում, Իրանի և Աֆղանստանի սահմանում, Խամուն լճի մոտ<sup>11</sup>: Ի. Խլոպինը սարանգներին տեղադրում է Հյուսիսային Իրանում, Էլբուրսից հարավ<sup>12</sup>: Ա. Օլմաթեղը տեղադրում է Արեյայի հարավում, Էտիմանդեր գետի հովտում<sup>13</sup>: Ծիշտ ձևն է Զարանգ կամ Դրանգիանա, որը փորձել են բացատրել՝ որպես «ծովային երկիր»<sup>14</sup>: Դրանգներ-զարանգները հիշատակվում են ինձ աղբյուրներում<sup>15</sup>: Զարանգ շահաստանը հիշատակվում է նաև «Շահիտանիհա-յի Էրան» պահլավական աշխարհագրական տրակտատում<sup>16</sup>:

**Թամաններ:** Բնակվել են Արախոսիայում, ներկայիս Հարավային Աֆղանստանում: Ռ. Ֆրայը թամանների անունն ուղղելով կապում է Ի-

սիդոր Քարակացու հիշատակած Անաուի շրջանի<sup>17</sup> հետ, որը համապատասխանում է ներկայիս Աֆղանստանի Ֆարահ նահանգին<sup>18</sup>: Ըստ ուսումնասիրողի՝ թամանների անունը, թերևս, պահպանվել է «Ղանդահարից արևելք գտնվող Չաման քաղաքի անվան մեջ<sup>19</sup>: Ե. Հերցֆելդը կարծում է, որ թամանները Արախոսիա աշխարհագրական անվան էքսիկական անվանումն է<sup>20</sup>:

**Ուտիներ:** Որոշ ուսումնասիրողների կարծիքով, Հերոդոտոսի մոտ խոսքը գնում է ուտիների երկու առանձին խմբի մասին, մեկը՝ Իրանի ներքին շրջաններում (III, 93.2), մյուսը (VII, 68)՝ Արաքսից հարավ՝ Իրանական Աղրբեջանում<sup>21</sup>: Ի. Դյակոնովի կարծիքով, մերձարաքսյան ուտիները մտել են Այսրկովկասում առաջացած Սլյութական թագավորության կազմի մեջ<sup>22</sup>: Ե. Գրանտովսկին կարծում է, որ եղել է ուտիների մեկ ցեղ՝ Կուրից հարավ և Արաքսի ստորին հոսանքից արևմուտք<sup>23</sup>, այսինքն, ըստ Էտրյան, նկատի ունի Մեծ Հայքի Ուտիք աշխարհի տարածքը: Ուտիները կապվում են իհն պարսկական Յառտիյայի հետ և, հավանաբար, Կրմանի խալամական ժամանակաշրջանի ջուտերի նախնիներն են, որոնց չպետք է շփոթել զուտու-գնչուների հետ<sup>24</sup>: Ուտիները մտնում էին Կրմանի մեջ: Ո. Մելիքովը, ընդունելով Յառտիյայի տեղադրությունը Կրմանում, բացառում է ուտիների նույնացումը Յառտիյային<sup>25</sup>: Նշենք, որ հայոց Ուտիք աշխարհի անունը կապված է «հովվիտ» բառի հետ և ուտիների ցեղանվան հետ ոչ մի ծագումնաբանական առնչություն չունի<sup>26</sup>: Զերքսեսի հունական արշավանքին ուտիները, մյուկերը, պարիկանիները, ըստ Հերոդոտոսի, զինված էին պակտյուացիների նման, ընդ որում, ուտիները և մյուկերը հանդես են գալիս միասին, իսկ պարիկանիները՝ առանձին (VII, 68): Հետևաբար ուտիների, ինչպես նաև մյուկերի նույնացումը Ուտիքին և Մուղանին արհեստական է և անհիմն:

**Մյուկեր:** Մյուկերին ևս որոշ ուսումնասիրողներ բաժանում են երկու խմբի. մեկը՝ Իրանի ներքին շրջաններում, երկրորդը՝ Արաքսի մոտ<sup>27</sup>: Ո. Մելիքովը մյուկերի նույնացումը իհն պարսկական արձանագրությունների Մակա երկրին բացառում է և տեղադրում է Մուղանում<sup>28</sup>: Ո. Ֆրայը մյուկերին համարում է մեկ ցեղ և նույնացնում Մակա-Մեկրանին<sup>29</sup>: Ե. Գրանտովսկին խոսում է մյուկերի մեկ խմբի մասին և տեղադրում Արաքսի ստորին հոսանքի շրջանում, այսինքն՝ Մուղանի տարածքում<sup>30</sup>: Այս տարակարծությունների պատճառը Հեկատեոս Միլեթացու տեղեկությունն է. «մյուկերից մինչև Արաքս գետը»<sup>31</sup>: Այս տեղեկությունը սուսկ ցույց է տալիս Ասիայի սահմանը հարավից՝ Կարմիր ծովի ափին բնակվող մյուկերից մինչև հյուսիս՝ Արաքս գետը, որը կարող է լինել Ամու-Դարյան կամ էլ Ինդոսը: Հետևաբար նշված տեղեկության Արաքսի նույնացումը հայկական Երասխին բացառում է,

քանի որ Արաքսը Հերոդոտոսի մոտ համապատասխանում է Սեֆիր-ռուդին, Դանուրին, Ամու-Դարյային, բայց ոչ Երասխին<sup>32</sup>:

Կարմիր ծովում գտնվող կղզիների բնակիչներ: Հերոդոտոսը նկատի ունի Պարսից ծոցի արևելյան հատվածի և Արարական ծովի հյուսում մինչև Հինգոլ գետն ընկած կղզիները:

Այսպիսով, XIV սատրապությունը տեղադրվում է Մարական սատրապությունից հարավ-արևելք և Պարսից արևելք ընկած շրջաններում: Հետևաբար, մյուկերի և ուտիների այդ շրջաններից դուրս տեղորշումները չեն հաստատվում սկզբնաղբյուրների տեղեկություններով:

***HOVHANNES KHORIKYAN  
(IOS)***

## ON THE ETHNIC STRUCTURE OF THE XIV SATRAPY OF ACHAEMENIAN PERSIA

Many important and wrinkled issues on the administrative policy and historical geography of Achaemenian Persia were examined in the article, the elucidation of which has an important meaning for studying the history of the Empire as well as obeying peoples. The Mycians and Utians of the XIV Satrapy are situated only in Maka and Kirman.

### ԾԱՆՈԹԱԳՐՈՒԹՅՈՒՆՆԵՐ

1. Հերոդոտոս, Պատմություն ինը գրքից, թարգմ. Ս. Կրկյաշարյանի (այսուհետև՝ Հերոդոտոս), Ե., 1986, III, 93: *Տե՛ս՝ նաև Herodotus (with an English translation by A. D. Godley), Vol. II, Cambridge-Massachusetts-London, 1957, (Loeb Classical Library), p. 121. Այսուհետև հղումները տե՛ս տեքստում:*

2. Նոյն տեղում, III, 102; IV, 44; VII, 408: Այս Պակտյուիկեն տարրեր է XIII սատրապության մեջ մտնող Պակտյուիկեից (տե՛ս Խորիկյան Հ., Սատրապական Հայաստանի արևմտյան և հարավային սահմանները մ. թ. ա. VI-IV դարերում, Պատմա-բանասիրական հանդես (այսուհետև՝ ՊԲՀ), 2005, № 3, էջ 173-192): Ըստ Ե. Հերցֆելդի՝ պակտյուացիները պարապամիսաղների էթնիկական անվանումն է, տե՛ս՝ Herzfeld E., *The Persian Empire. Studies in Geography and Ethnography of the Ancient Near East*, Wiesbaden, 1968, p. 337.

3. Դյակոնով И., История Мидии, М.-Л., 1956, с. 339, прим. 1, с. 340. Սրանք, դատելով Բեհիսթունի արձանագրությունից, գտնվել են նախկին Ասունեստանի մասը կազմող Արքելայի շրջանում: Տե՛ս՝ «Դարեհ Վշտասպի Բիսե-

թունյան արձանագրությունը», թարգմ. բնագրից, առաջարան և ծանոթ. Գ. Նալբանդյանի, Ե., 1964, էջ 16-17:

4. Marquart J., Untersuchungen zur Geschichte von Eran, Bd. I, Göttingen, 1896, S. 231; Грантовский Э., Сагартии и XIV округ государства Ахеменидов по списку Геродота, Краткие сообщения Института народов Азии, XLVI, 1962, с. 246.

5. Stephani Byzantii Ethnicorum quae supersunt. Ex recensione Aug. Meinekii, I, Ber., 1849, p. 549.

6. Хлопин И., Этнография державы Ахеменидов по Геродоту, Страны и народы Востока, М., 1969, вып. 8, с. 187 и след. Վրկանները մտել են XI սատրապության մեջ: Տես՝ Խորիկյան Հ., Արեմենյան Պարսկաստանի XI և XV սատրապությունների տեղադրության շուրջ, ՀՀ ԳԱԱ «Լրաբեր հասարակական գիտությունների», 2006, № 1, էջ 147-157:

7. Olmstead A., History of the Persian Empire, Third Impression, Chicago, 1960, p. 115.

8. Грантовский Э., Ранняя история иранских племен Передней Азии, М., 1970, с. 272-273; Алиев И., Племена и племенные группы в Атропатене, Вестник древней истории (այսուհետն՝ ՎԴԻ), 1987, N 3, с. 67-68. Զիկերտացիների նոյնացումը հայկական Սղերդին կասկածելի է, տես Herzfeld E., նշվ. աշխ., էջ 301-302:

9. Грантовский Э., նշվ. աշխ., էջ 170, 272; Меликов Р., Этническая картина Азербайджана в период ахеменидского владычества (VI-IV вв. до н. э.), Баку, 2003, с. 138-139. Աշազարքան մասնագիտական գրականության մեջ սոսուզաբանել են «քարայր», «ձիակառ» և այլն: Տես՝ Kent R., Old Persian. Grammar. Texts. Lexicon, 2nd ed., New Haven, 1953, p. 173; Дьяконов И., նշվ. աշխ., էջ 340; Грантовский Э., նշվ. աշխ., էջ 274; Меликов Р., նշվ. աշխ., էջ 136:

10. Տարակարծությունների մասին տես՝ Доватур А., Каллистов Д., Шишова И., Народы нашей страны в “Истории” Геродота, М., 1982, с. 201-202.

11. Дьяконов И., նշվ. աշխ., էջ 357:

12. Хлопин И., նշվ. աշխ., էջ 289 և հաջ.:

13. Olmstead A., նշվ. աշխ., էջ 46:

14. Фрай Р., Наследие Ирана, М., 1972, с. 78. Տես նաև Herzfeld E., նշվ. աշխ., էջ 331:

15. Страбон, География в 17 книгах, перевод, статья и комментарии Г. Стратановского, Л., 1964, с. 673; Դանիելյան Է., Խսիդոր Քարակացու պարթևական կայանները, ՊԲՀ, 1971, № 4, էջ 175; Արիանոս, Ալեքսանդրի արշավանքը, «Ալեքսանդր Մակեդոնացի», Ե., 1987, էջ 114, 123, 247, 252; Ուսիփոս, Ալեքսանդր Մակեդոնացու պատմությունը, «Ալեքսանդր Մակեդոնացի», Ե., 1987, էջ 423:

16. Խուրջուդյան Է., «Շահրիստանիհա-յի Էրան» (պահլավական աշխարհագրական տրակտատ), Էրան-նամէ, Ե., 1993, № 4, էջ 27:

17. Դանիելյան Է., Խսիդոր Քարակացու պարթևական կայանները, էջ 175:

18. Фрай Р., նշվ. աշխ., էջ 78:

19. Նույն տեղում:
20. Herzfeld E., նշվ. աշխ., էջ 332-334:
21. Marquart J., Untersuchungen zur Geschichte von Eran, Bd. II, Leipzig, 1901, S. 172; Алиев И., История Мидии, Баку, 1960, с. 103, прим. 5; Меликов Р., նշվ. աշխ., էջ 117:
22. Дьяконов И., նշվ. աշխ., էջ 280:
23. Грантовский Э., նշվ. աշխ., էջ 239 և հաջ.:
24. Фрай Р., նշվ. աշխ., էջ 79: Տես նաև Herzfeld E., նշվ. աշխ., էջ 300: Ուտիներին Յառասիյայի և մյուկերին Մակայի հետ կապում է նաև Ե. Հերցֆելդը, տես սույն տեղում, էջ 196, 300:
25. Меликов Р., նշվ. աշխ., էջ 115:
26. Арутюнян Б., Рауф Меликов, Этническая картина Азербайджана в период ахеменидского владычества (VI-IV вв. до н. э.), «Գիտության գլոբուս», 2005, հ. 5, էջ 144-146: Հմնտ. Կարազյովյան Հ., Սեպազիր տեղանուններ (Այրարատում և հարակից նահանգներում), Ե., 1998, էջ 185:
27. Marquart J., Untersuchungen..., II, S. 174; Алиев И., նշվ. աշխ., էջ 103, ծնր. 5; 104, ծնր. 6:
28. Меликов Р., նշվ. աշխ., էջ 122:
29. Фрай Р., նշվ. աշխ., էջ 79:
30. Грантовский Э., նշվ. աշխ., էջ 236 և հաջ.: Մեր կարծիքով, Մուղան անունն ավելի շուտ կապված է մոգերի, քան թե, ինչպես կարծում է Ի. Ալիսը, մյուկերի հետ: Այս կապակցությամբ տես՝ օրինակ, Алиев И., Племена..., էջ 63: Այս առումով անհրաժեշտ է ուշադրություն դարձնել Մեծ Հայքի Փայտակարան աշխարհի գավառանունների վրա, որոնց անվանումների կապը զրադաշտական պաշտամունքի և հավատալիքների հետ միամգամայն հնարավոր է: Օրինակ, Որմիզդ-Պերոժ գավառանունը կապված է Ահուրա-Մազդայի հետ և նշանակում է «Որմիզդի հաղթանակի վայր», տես Խորշудյան Է., Армения и сасанидский Иран, Алматы, 2003, с. 228, прим. 332, 333.
31. Латышев В., Известия древних писателей греческих и латинских о Скифии и Кавказе, ВДИ, 1947, N 1, с. 300.
32. Արարսի նույնացումների մասին տես՝ Акопян А., Албания-Алуанк в греко-латинских и древнеармянских источниках, Е., 1987, с. 76; Խորիկյան Հ., Արեմենյան Պարսկաստանի XVIII սատրապության մատիենների տեղադրության շուրջ, Մերձավոր և Միջին Արևելքի երկրներ և ժողովուրդներ (այսուհետև՝ ՍՍԱԵԾ), հ. XXVI, Ե., 2007, էջ 27; նույնի՝ Ապոլոդորոսի մի տեղեկության շուրջ, ՊԲՀ, 2008, № 1, էջ 229: